

訂修心水印城鹽 編原瑞岳李陽咸

評註
國史讀本

新學制中等學校適用

上海世界書局出版

第三冊

註評

國史讀本卷三目錄

第二編 中古史

南北朝史

第一章 宋魏分立時代

- 一 宋初之治亂……………一
- 二 魏太武之統一北方……………二
- 三 崔浩之禍……………五
- 四 元嘉北伐之役……………六
- 五 懸瓠之役……………八
- 六 北伐再敗……………九
- 七 魏師南下之禍……………一一
- 八 宋文帝之政教……………一三
- 九 元凶劭之變……………一四

武陵王起兵討逆……………一六

十一 孝武帝之貪縱……………一七

十二 前廢帝之狂暴……………一八

十三 明帝之懷惑……………一九

十四 蕭道成之篡弒……………二一

第二章 齊魏分立時代

一 齊魏之戰爭……………二三

二 魏孝文帝遷都洛陽……………二四

三 齊蕭鸞之篡國……………二六

四 魏人大舉南伐……………二七

五 魏人再舉南伐……………二九

六 齊廢帝誅戮大臣……………三一

七 蕭衍起兵襄陽……………三二

八 蕭衍之篡弒……………三四

第三章 梁與魏齊分立時代

一 梁魏之戰爭……………三五

二 魏胡后之臨朝……………三八

三 羽林虎賁之亂……………三九

四 六鎮之叛……………四一

五 西北羣盜之起……………四三

六 蕭寶寅之叛……………四四

七 孝明帝之被弒……………四六

八 爾朱榮之亂……………四八

九 元顥之入洛……………四九

十 爾朱榮之伏誅……………五一

十一 爾朱兆之叛……………五二

十二 高歡起兵信都……………五四

十三 爾朱氏之滅亡……………五五

十四 宇文泰得關中……………五七

十五 東西魏之分立……………五八

十六 東西魏之戰爭……………六〇

十七 高澄之逼主……………六二

十八 東魏之滅亡……………六三

十九 侯景之降梁……………六五

二十 梁武帝之失政……………六六

二十一 伐魏之役……………六八

二十二 侯景之亂……………七〇

二十三 臺城之圍……………七一

二十四 援師之敗挫……………七二

二十五 臺城之陷……………七四

二十六 侯景之誅……………七六

二十七 江陵之敗亡……………七八

二十八 陳霸先之篡弒……………八〇

第四章 陳與齊周分立時代

一 陳齊之戰爭……………八二

二 齊文宣之昏虐……………八四

三 演湛之嗣位……………八五

四 諸將之冤死……………八七

五 後主之昏荒……………八八

六 周之滅齊……………九〇

七 宇文周之篡西魏……………九一

隋史

第一章 文帝時政

八 宇文護之被誅……………九三

九 周天元之失德……………九四

十 楊堅之篡周……………九五

十一 陳後主之失德……………九七

十二 隋之滅陳……………九九

一 隋文帝之初政……………一〇一

二 嶺南與譙國夫人……………一〇三

三 江南之亂與楊素……………一〇五

四 突厥之叛服……………一〇七

五 高潁之得禍……………一〇八

六 太子勇之被廢……………一一〇

七 楊廣弑父自立……………一二二

第二章 煬帝時政

一 南巡開河渠……………一三

二 北巡築長城……………一五

三 西巡通西域……………一七

四 東巡征高麗……………一九

五 山東羣盜之起……………二一

六 楊玄感之起兵……………二三

七 隋之滅亡……………二四

評註 國史讀本卷三

第二編 中古史

南北朝史

第一章 宋魏分立時代

一 宋初之治亂

宋武帝
殂

徐傅謝
之廢立

文帝

宋武帝裕以篡晉得國，在位未及三年，有疾，召太子義符戒之曰：「檀道濟雖有幹略，而無遠志，非如其兄韶，有難御之氣也。」徐羨之與傅亮當無異圖，謝晦數從征伐，頗識機變，若有同異，必在此人，當慎防之。」又爲手詔曰：「後世若有幼主，朝事一委宰相，母后不得臨朝。」遂崩。羨之亮晦與道濟同被顧命，輔少主，義符卽位，時年十七，居喪無禮，好與左右狎暱，遊戲無度，羨之亮晦等陰謀廢立。景平二年正月，稱太后令，廢少帝爲營陽王，遷之吳郡，使邢安泰就弑之，而迎宜都王義隆於江陵，纂承大統，是爲文帝。文帝之發江陵也，從之者，王華王曇首到彥之孔甯子也。及卽位，以曇首華爲侍中，

徐傳伏
誅

謝晦伏
誅
五臣

委以政事，彥之爲步軍校尉，同參機要，羨之等欲出彥之於襄陽，帝不許，留爲中領軍，軍政大小，悉以委之，於是徐傳等陰懷不安之志矣。甯子等復時時以徐傳之專橫，搆於帝所，帝遂決意誅之，以王弘檀道濟始未預謀，特宥二人，且使誅徐傳以自效。因下詔暴羨之亮廢弑之罪，命彥之道濟以兵收翦，羨之走新林自縊死，亮被禽，并其黨悉誅之。晦聞報，因發兵反，帝下詔戒嚴，自帥諸軍討之。晦以三萬衆發江陵，卅艦旌旗甚盛，歎曰：「恨不以此爲勤王之師！」下至江口，而到彥之已至彭城洲，會霖雨，晦停軍十五日，乃攻陷彭城洲，諸將欲退保夏口，到彥之之不可，乃保隱圻，會道濟督後軍至，晦軍潰，攜諸弟北走，爲人所執，檻送建康，斬之。帝還建康，於是王華王曇首殷景仁劉湛謝弘微皆親近用事，號曰「五臣」。華常歎曰：「宰相頓有數人，天下何由得治？」

註

①【吳郡】今江蘇吳縣，安泰至吳，弑少帝時，少帝多力，突走出閭門外，追者以門門踣而弑之。②

【江陵】今湖北江陵縣。③【新林】在今江蘇江甯縣西南。④【彭城洲】在今湖南岳陽縣東北。

⑤【夏口】今湖北夏口縣。⑥【隱圻】在今湖南臨湘縣東北。

二 魏太武之統一北方

拓拔魏
舉兵南寇

青兗河
洛復陷
於魏

魏太武
帝伐
夏太武

君子津

六朝疆域，以宋初爲最大；關中雖沒於赫連，而潼關以東，大河以南，山東諸州，皆中國禮樂衣冠之域也。武帝在位時，魏人懾其威，遣使請和，歲聘不絕。及武帝崩，沈範方奉使在北，南還奔喪，至河，魏主拓跋嗣使人追執之，遂發兵入寇。於是青兗諸郡相繼陷沒，宋廷遣檀道濟監征討諸軍，與王仲德救之。既而洛陽亦陷，司馬楚之者，故晉宗室，晉亡據長社不下，至是遂爲賊向導，引之南下。司豫諸郡悉淪於魏，初五胡之亂，其種人皆久居中土，與晉人相習，及其起兵割據，尙以籠絡民心爲務，不敢恣意殺掠也。而拓跋魏起自朔方，不習文化，驟至中州，覩士女金帛之富，乃縱兵淫掠，所至如洗，中原遺黎於是再遭塗炭矣。已而魏主嗣殂，其子肅立，是爲太武帝。太武性慄忍，果於殺戮。既卽位，聞夏主赫連勃勃死，其子昌立，思欲乘機伐之，以謀北方之統一。顧是時柔然方雄於北方，諸將皆言：「大軍西伐，恐柔然乘虛爲寇，不如舍夏而并力於北。」崔浩曰：「蠕蠕鳥集獸逃，以大軍臨之，則不能及，偏師又不足以威敵。」赫連氏刑政殘虐，兄弟相圖，此天授之機，不可失也！」太武從浩言，自帥諸將西伐，行至君子津，會暴寒，河冰合，太武潛師夜渡，徑襲統萬，昌方燕羣臣，魏師奄至，上下驚擾，昌出戰而敗，退走入城，門

夏亡

未及閉，而魏軍已入，分兵四掠，殺戮數萬。魏主下令，徙其民於平城，而乘勝長驅，攻下三輔，蒲坂長安，守將悉棄城走。次年，復發兵攻統萬，自將發平城，舍輜重，以輕騎三萬，倍道先行，至則伏軍山谷中，先驅少衆至城下誘戰。夏兵分兩翼，鼓譟而出，魏武馬蹶而墜，幾爲夏人所獲，拓跋齊以身捍蔽，魏主復騰上馬中流矢，奮擊不衰，夏軍大潰，昌奔上邽，爲魏將所擒。魏主遂定統萬，昌弟定收其餘衆，稱帝於平涼。魏主復遣兵襲平涼，定逆戰大敗，西走，謀兼併小國以自廣，遂滅西秦，殺其主伏乞慕末，既又欲擊涼州，吐谷渾王慕瓚要諸中途，擊而禽之，送諸魏，魏主殺之。夏遂亡，中原之地，盡歸於魏，惟馮氏據遼東，沮渠氏據涼州而已。

評

魏太武剛悍勇鷙，臨城對陣，親犯矢石，左右死傷相繼，而神色自若，將士畏服，咸盡死力，性儉率，起居服膳，取給而已；常謂財者軍國之本，不可濫費，賞賜所及，皆死事勳績之家，親戚貴寵，未嘗濫有所予。命將出師，指授方略，違者輒至覆敗，明於知人，惟其所長，不拘流品，賞不遺賤，罪不避貴，嘗曰：法者朕與天下共之，不可稍有輕重，其能猾夏二十年，滅國數十，固非偶然矣。

註

①【關中】見東晉第三章第五。

②【潼關】今陝西潼關縣。

③【長社】在今河南長葛縣西。

崔高同
修國史

石國史刊

④【司豫】即今河南省。⑤【柔然】東胡之別種，時領今內外蒙古地。⑥【蠕蠕】柔然之別名。

⑦【君子津】在今綏遠歸綏縣西南黃河東岸。⑧【統萬】夏都城，在今甘肅甯夏縣北。⑨【平

城】在今山西大同縣西。⑩【蒲坂】今山西永濟縣。⑪【上邽】故城在今甘肅天水縣西南。⑫

【平涼】今甘肅平涼縣。

三 崔浩之禍

魏主燾之據中原也，以崔浩爲謀主，軍國重事，靡不參與，浩本中原舊族，臣事魏廷，自恃才略及魏主之寵任，專制朝權，貴近側目。魏主燾嘗命浩與高允同脩國史，敕曰：「務從實錄，勿存忌諱。」著作令史閔湛，郿標者，素巧佞，詔事浩，浩亦荐湛標有著述才，湛等遂勸浩刊所撰國史於石，以彰直筆。浩從之，立石郊壇之東，所書魏先世凶逆之事，語語詳實，北人見者，莫不憤恚，相與譖諸魏主，謂其暴揚國惡，燾大怒，立命收浩按治，并及高允。初，燾使允授太子晃經，及允被收，晃謂曰：「吾自導卿，上如有問，但依吾語。」晃先入爲魏主言，允小心慎密，國史悉浩一人所爲，請赦允死。燾因召允入，問曰：「國史皆浩所爲乎？」允對曰：「臣與浩共爲之，然浩所領事繁，但總裁而已，至於著

著述臣
多於浩

夷浩五
族

崔司徒
可惜

述，臣多於浩。」肅曰：「然則允罪甚於浩，何以得生？」晃懼曰：「天威嚴厲，允小臣，迷亂失次耳，臣向問之，皆云浩一人作。」允自旁言曰：「臣誠不敢妄言，殿下哀臣，欲宥其命耳！」肅顧謂太子曰：「直哉，此人情所難，宜特除其罪。」遂赦之，殺浩，夷其三族。時命允撰詔，夷浩五族，所連坐又數百人，允持疑不下筆，肅頻使人促之，允奏曰：「浩之所坐，若更有餘罪，非臣所知，若直以觸犯，疑不至此。」肅意解，乃曰：「無斯人死者，當更有數千口矣。」肅既誅浩，久乃悔之。會北部尚書李孝伯疾篤，或傳已死，肅悽然曰：「李宣城，可惜。」既而曰：「朕失言，崔司徒，可惜。」自浩之死，軍國謀議，皆出孝伯，龍眷亞於浩。

評

周官司寇八議，有議故，議賢，議功，議貴，之典。崔浩自其父宏仕魏，實爲世臣。浩又歷事三朝，身爲上公，才略獨優，運籌制勝，屢有成績。自八議言之，浩居其四。乃一觸忌諱，遽亦其族，凶暴之國，尙可立其朝哉？拓跋本夷狄進於中國，而未能純乎中國，故其所爲如此。然浩以中原世族，而臣服狄虜之廷，挾智驕縱，咎由自取，何足深惜。

四 元嘉北伐之役

到彥之
北伐

復河南
司寇地南

滑臺敗
績

文帝有恢復河南之志，詔簡甲卒五萬，命到彥之統諸將王仲德、靈秀、帥舟師入河。將軍段宏以精騎直指虎牢，劉德武爲後繼；長沙王義欣出屯彭城，爲諸軍聲援。時元嘉七年三月也。將出師，先遣使告魏曰：「河南舊爲宋土，中間爲彼所侵，今當脩復舊境，不關河北。」魏主燾大怒曰：「我生髮未燥，已聞河南是我地，必欲得之，當權時斂軍相避，冬寒冰合，自更取之。」彥之自淮入泗，水淺舟膠，日行纔十里。七月始入黃河，汴河西上，燾以河南兵少，命悉衆北度。彥之留兵守滑臺虎牢金墉諸城，而自統大軍進屯靈昌津，列守南岸，至於潼關。于是司寇胥平朝士皆有喜色，王仲德獨憂之曰：「諸賢不諳北虜情僞，必墮其計，虜凶狡過人，今未經一戰，而遽斂戍北歸，將必并力完聚，以待河冰既合，卷土重來，豈可不以爲慮乎？」十一月，魏人果度河而南，金墉虎牢守將皆棄城走，彥之方保東平，帝慮其兵力單弱，乃加檀道濟征討都督，帥衆北援。彥之聞洛陽虎牢不守，遽引兵還，焚舟棄甲，步趨彭城。彥之去後，賊急攻滑臺，道濟救之，敗魏兵於壽張，復自濟上至歷城，二十餘日間，與賊軍大小三十餘戰，無不克捷。賊縱輕騎邀其前後，焚燒芻粟，道濟食盡，不得已，亦引軍還。士有亡走虜營者，具以虛實告。

檀道濟
唱籌量

裏汝萬
里長城

王玄謨
好言進

懸瓠之

虜兼程來追，衆慙懼，欲潰。道濟命軍中夜唱籌量沙，以所餘少米覆其上。及旦，虜騎見之，謂資糧有餘，以告者爲妄而斬之。時虜兵甚盛，而道濟兵少，命軍士皆破甲，已儒服乘輿，徐徐殿後而行。虜不敢逼，竟全軍而返。後道濟爲彭城王義康所殺，臨刑道濟憤怒，目光如炬，脫幘投地曰：「乃壞汝萬里長城！」魏人聞道濟死，君臣酌酒相賀。

註

①【虎牢】今河南汜水縣。

②【彭城】今江蘇銅山縣。

③【滑臺】今河南滑臺縣。

④【金

墉】在今洛陽縣北。

⑤【靈昌津】延津之別名，在今河南延津縣北，今湮。

⑥【潼關】今陝西潼關

縣。

⑦【司寇】二州名，今河南山東一帶。

⑧【東平】今山東東平縣。

⑨【歷城】今山東歷城縣。

⑩【唱籌量沙】今山東東阿縣南有土堆三，俗名虛糧塚，相傳卽檀道

濟唱籌量沙處。

五 懸瓠之役

自到彥之北伐敗績後，而文帝經略中原之志，未嘗少衰，羣臣爭獻策，以迎合取寵。王玄謨尤好言進取，帝謂侍臣曰：「觀玄謨所陳，令人有封狼居胥意。」會魏主自帥兵十萬來攻懸瓠，時陳憲守懸瓠，城中戰士不滿千人。魏兵晝夜急攻，作高樓臨城，矢下

役

沈慶之
諫北伐

耕當問
奴織當
問婢

如雨，城中負戶以汲，魏以衝車壞其城堞，憲內築女牆，外立木柵以禦之，魏兵肉薄登城，城上矢石交下，死者積尸與城平，魏兵乘尸而上，短兵相接，憲率衆拒擊，戰士無不以一當百，殺魏兵以萬計，魏主頓兵四十餘日，卒不能得志，帝遣臧質、劉康祖共救懸瓠，質大破魏軍，斬其任城公乞地真，魏主乃燒其攻具，引兵夜遁，帝遂欲乘勢北伐，沈慶之諫曰：「我步彼騎，其勢不敵，檀道濟再行無功，到彥之失利而返，今王玄謨等之才未踰兩將，六軍之盛，不過往時，恐重辱王師耳！」帝曰：「道濟養寇自資，彥之中途發病，故不能成功，虜所恃惟馬，今夏水浩汗，河道流通，汎舟東下，碻磈必走，滑臺易拔，克此二城，虎牢、洛陽自然不固，比及冬初，城守相接，虜馬過河，必成禽矣。」慶之終以爲不可，帝使徐湛之等難之，慶之曰：「治國譬如治家，耕當問奴，織當問婢，今欲伐人之國，而與白面書生謀之事，何由濟？」帝大笑，太子劭及將軍蕭思話亦諫，皆不聽。

註

○【封狼居胥】狼居胥山名，在今蒙古鄂爾多斯黃河西北，漢霍去病戰勝匈奴，封此以記功。○

【懸瓠】城名，卽今河南汝南縣治。

○【碻磈】山名，在今山東東阿縣西南。

○【滑臺】見上條。

六 北伐再敗

卷三

中古史

南北朝史

第一章

五

懸瓠之役

九

大舉北伐

滑臺之役
玄謨敗績

陝城之戰

元嘉二十七年秋七月，王師再大舉北伐，王公妃主，朝士牧守，下至富民，各獻金帛，以助軍需；又以兵力不足，悉發六州丁壯從軍，智勇技藝之士，應募者皆加厚賞，富民家資滿五十萬，僧尼滿二十萬，並四分借一，事定即還。魏羣臣聞有宋師，言於魏主，請救緣河穀帛。魏主曰：「馬今未肥，天時尚熱，速出必無功，且還陰山避之，國人皆衣羊裘，何用綿帛，展至十月，吾無憂矣！」時王玄謨士衆甚盛，器械精嚴，而玄謨貪愎好殺，初圍滑臺，城多茅屋，衆以火箭燒之。玄謨曰：「彼吾物也，何遽燒之？」城中即撤屋穴處，攻城數月不下，而魏主自將大軍，渡河而南，衆號百萬，鞞鼓之聲，震動天地。玄謨懼而退走，虜追擊之，死者萬餘人，散亡略盡。時柳元景以雍州之師出西路，向陝洛，已拔弘農，進攻陝郡，陝城小而固，攻之不克。魏將張是連提以衆二萬，度河來援，元景與戰於城南，虜縱突騎出，我軍不能敵。薛安都怒，脫兜鍪解甲，唯著絳衲兩當，馬亦去裝具，瞋目橫矛，單騎突陳，所向無前。魏人注射之，不能中，如是數四，殺傷不可勝數。日暮，別將魯元保自函谷關至，魏軍乃退。明日又戰，我軍陳於城西南，魯方平謂安都曰：「今勅敵在前，堅城在後，是吾儕取死之日，卿若不進，我當斬卿，我若不進，卿即斬我。」安都

潼關之戰

彭城之役

張長史使魏

虜馬飲江

曰：「善！」兩軍甫交，柳元佑自南門鼓譟而出，虜衆驚駭，安都挺身奮擊，流血被肘，矛折更易，戰至日昃，虜軍大潰，斬是連提於陣，遂克潼關。關中豪傑所在響應，羌戎部落皆來送款，而玄謨大軍已敗，元景不能獨進，乃引兵還。

註

①【陰山】在今歸綏特別區域。

②【弘農】故城在今河南靈寶縣南，秦函谷關地。

③【陝郡

】即今河南陝縣。

④【函谷關】在今靈寶縣。

⑤【潼關】見上四。

七 魏師南下之禍

王玄謨既敗走，魏人乘勝南寇，攻懸瓠項城，拔之。帝恐壽陽有失，急召劉康祖還救，康祖戰死，魏軍益南下，去彭城十餘里，時城中乏食，江夏王義恭欲棄城走，長史張暢爭之曰：「城中乏食，百姓已懷走志，一旦動足，則各自逃散，何由得歸？今軍食雖寡，尚可支朝夕，安有舍萬全而就危亡者？」義恭乃止。魏主至彭城，使人以貂裘駿駝餉義恭，且曰：「魏主致意，請暫出相見。」義恭使暢往見之，魏尙書李孝伯謂暢曰：「魏主不欲圍此城，當自帥衆軍，直抵瓜步，飲江水以療渴耳。」暢曰：「去留之事，自適彼懷，若虜馬遂得飲江，是爲無復天道。」蓋先是童謠云：「虜馬飲江水，佛狸死卯年。」故暢語

魏兵進至瓜步

檀道濟若在胡馬安得至此

嬰兒貫槩

魏主勰被弑

南安王被弑

及之，佛狸者，魏主勰小字也。暢音容雅麗，孝伯雅愛重之，爲言於魏主，魏主遂舍彭城，引兵南下，所過無不殘滅，城邑皆望風奔潰。由盱眙進至瓜步，壞民廬舍，取木爲筏，聲言欲渡江，京邑震恐，內外戒嚴。命劉遵考等將兵分守津要，陳艦列營，自采石至於暨陽，亘六七百里。文帝登石頭城以望魏營，謂尚書江湛曰：「北伐之計，斷自朕心，同議者少，今士民勞怨，不得無慚，予之過大矣！」又曰：「檀道濟若在，胡馬安得至此？」是役也，魏兵凡破南兗、徐兗、豫青、冀六州，殺傷不可勝計，丁壯者卽加斬戮，嬰兒貫於槩，上舞以爲戲，所過郡縣，赤地無餘，春燕歸來，巢於林木，至二十八年正月，宋魏購和，魏始班師北去，自是呂里蕭條，元嘉之政衰矣。初魏主勰南征北伐，頻年在外，命太子晃監國居守，晃頗信任左右，中常侍宗愛，性行險暴，恣爲不法，晃惡之，愛內不自安，遂搆成其罪，譖之於魏主，魏主怒，東宮官屬多坐死者，晃憂懼而卒。後魏主漸知晃無罪，悔之，追悼不已。愛懼誅，遂弑魏主勰，並殺秦王翰，而迎立南安王余，余自以達次立，深德愛，乃以愛爲大司馬、大將軍，且厚賜羣下，以結其歡。旬月之間，府藏虛竭。宗愛爲宰相，專恣日甚，余患之，謀奪其權，愛怒，又弑之，秘不發喪，欲自立。羽林郎中劉尼乃與尚書